

Circolo
S.O.M.S.

Comune di
Castelletto M.to

CARTE
DOMENICA 22 FEBBRAIO

Piazza Astori



by N.S.F.

BUSINÀ AD CASTLET DEI 1998

CAP.1

" A PIANDA LA SBRIVA "

VEG,

Me cara gent dei d'ascut e pristei atension
se ben a somma nent per television,
cun la vostra gran cunsistensa
av giomma propi an cusiensa
ca ringrasiomma tic i present
grand e cit che siju ticc cuntent
ad pasà mesa giornà an alegrija
e che u di' ad Carvà cu sija meravija;
u nuvantot c'av porta an po' ad furtinna
sija an salut che per la spurtinna.

GIUVNOT,

nent semp as trova l'ardiment
per chintav tit cul c'ajomma an ment
e nent tant per i snugg arissu
o per ai catar pin ad calissu,
ma pitost per certi maniji
chi ponsu pès che agl'urtiji
se ben ogni tant am ven voja
ad stà schis an tla mè sgroja.

FIO',

U smija ca fasi trop ai capaster
lè mej ca digghi quaic paternoster
trej zi anchesi in bicer ad vin brulé
ca va scouda j'os senza drubà u ramblè,
sidnò per rampià si da issa scaletta
an cavagioli am tucarrà c'av metta;
a fà ai billu da giuven l'era na delissia
ades a sij nanc pi bon a mursià na grissia
pin ad maquè pò al seiri impac ad linusa
e alvanda si av senti mol cmè na medusa.

FIJA,

sent ai galèt dla giuventù muderna
a sa scred d'avej an man na quaterna
l'è comuda an cà ammà a pretendi
e per u lavù ad dala semp d'antendi
à'jè semp na schisa pronta per scapà
e mari e surela tit u di' ammà a strugià;
u stipendi l'è mai abastansa
ma per setas a toula pretendi duppi pitansa,
mi, per scapà, la valis a l'ò semp pronta
per certi quistion a jò nent poura d'onta.

*Primma che la frev trop a là monta
fej na sunada senza faj trop la poncia!*



CAP.2

" DLA SUCIETÀ E AL SÒ REIS "

VEG,

Stej svèg e andrisej agl'antenni
jè semp quaicadin pront a sciancav al penni
capaster e suiton i giru semp a ducià
peichej certi pruposti i siju dlonc da bucià;
ajei paria ad studià dagl'inisiativi
e carlav cmè in svigiarin per dal nov sbrivi,
i bastian cuntrari i piantu subbit dal granni
che per sfà icc grup i vò dal stam-ni,
an-tla Sucieta la pulitica l'è mai entraja
e ista regula la dev eisi semp uservaja.

GIUVNOT,

i Socciu fundatur dla Soms i son ormai spari
tanc ricord i son perc e purtrop smari,
ogni tant ambogna rinfrescà la memoria
c'as posa nent perdi tit la nostra storia;
l'è nent abasta cunservà papè e futugrafiji
o chintas quand as sent sunà dagl'inguniji,
la tesera d'iscrision l'è uguale per ticc
auromma vegghe di suris e nent di mur sicc.

FIO'

nui ajomma seicà ad capi la situasion
as somma adatà senza piantà tant quistion,
ambogna però uardà d'ardubià icc lucal
cun di cuntrat schlent e dal fijimi uficial;
vist che quaicadin la pruspetà in frog da tirà
primma che al marsanni as mettu a girà,
l'è mei seicà ad metti quaica ciapa
a speranda che l'armunija nent a sa sciapa;
ambogna entrà senza giaretti an-tal scaipi
lasanda ad-fora ogni ater simbul e maichi,
la Sucieta a-là dal finalità ben precisi
ampegnomsi ticc pejhè al sò reis i siju nent recisi.

FIJA,

ticc j'ani as prued a dal nov sistemasion
e ormai l'è quasi pagà l'impiant ad depurasion
ma per respirà pi ben ai vò tanta armunija
impegn e lavù cmè ant na gran famija;
nui a somma cmè fà girà pignati e ramarinni
mai nin l'è andac a cà cun pansì zasinni
e se ben ajomma nent di diploma an curnis
a fin ad giurnà as cuntentomma amma d'in suris;
dritu e papagal chi vagu a ranà di babi
se an periccul a saromma ticc aglià cmè ai pabi
l'è in daimagi eisi fursà andà ticc au ricover,
ma senza ist simbul ai pais u resterrà pi pover.

*Sunei in toc senza drubà trop ai meter
ma stei atent ad nent rompi ticc icc veder!*



CAP.3

" ASPICIANDA L'EURO "

VEG,

me cara gent a somma mal rangià
nent sul per la famija garantij ai mangià
ma pitost per nent pudì trovà la manera
ai mont 'd pietà nent duvi cunsgnà la rastlera
o fà smuntà cul du capsuli anduraji
che da l'amsè aj'eru staci ereditaji;
ormai dai quaiot as trova pi nanc limosna
ma al buletti at rivu pi fort che la losna,
a ta nanc temp ad pudì tirà ai fià
che ant'cul post t'at l'esa turna pià.

FIO',

vui ansian a sij pin ad sagrinament
a sbanati semp cmè la cou-ua d'in seipent,
piantella ad gnagà per quaic sacrifici
sentiv nent umilià per avei al ciapi nissi;
se a sò temp a m'eisi dac ben d'ascut
a v'ava spiegà cmè c'as duviva eisi astùt,
anveci ad prenutà anmà di Bot e bon Pustal
l'era nent ai cas d'anvesti i voster capital
a crumpanda a l'estero apartament e asion
acsi ades av trovavi senza ater preocupasion!

FIJA,

j'ist l'è fresch a chintà dal baleiri
at'la dà d'antendi cmè chi fiju veiri
t'avrà ben alzi o vist per television
cui grand rendiment dal sò ucasion!
bursi a tèra, a s'è sciancà quaic manni
faliment e karakiri da diversi stam-ni,
acsi al farmaciji i lavuru di e nocc
per diareji e fiddich beja cocc;
a l'ava dic cl'era pront ad arnuvà Goldfinger
ades per l'Europa aj pudrà fà amma u singher.

GIUVNOT,

aurivu eisi i prim galèt dla scola
ma la zècca statal al-là facia drola:
anvenci ad dai ai premi a cull'incisur
ai banc d'asu ai spiciarreisa cun unur;
assomma fac riji adrera per milla liri
e ad cui bieton 'd carta a faromma dal biri
fra dui ani ai varran menu che na stubbia
spiantà e rapuci custret a tensi an cubbia,
cundanà a uardà là an-fond vers u tramont
se magari i sponta l'Euro d'adrè cui mont.

*Fev senti da tit aj Piemont
cun na sunada cla culega ticc i pont!*



CAP.4

" A RIPASANDA U SILABARI PER ADMAN "

VEG,

A-jò paria ad fà semp dj'arciam
o per ai menefregghismu duvim lamentam
al noster tradision i devu eisi difejsi
e certa reguli i poru pi restà fraintejsi;
se ist palchet l'era stac mis antl'archiviu
l'era peichej a-rivanda ans certa biviu
quaicadin u riusiva pi a trovà la giusta strà
nent peichè i mancheisa la voja ad laurà
ma per difficoltà ad cumbinà e dai cuncretessa
peichè la giornà dai Carvà la fìjsa a l'autessa.

GIUVNOT,

se ist pais l'è da ticc cunci e amli famus
l'è stac per la Businà, quasi da eisni permalus,
allura ajera nent tanta smuibijeira
cmè icc divertiment mudern da gumitejra;
pudi andà a l'usteria a silà na butiglietta
e dop ticc ansema per cantà na cansunetta,
ajeru ucasion amma da di dla festa
se ben la fam am fava torsi la testa.

FIJA,

ad ticc icc ricord dal veg generasion
j'andreisa ogni tant fà dal lision
per pudì fa capi a-la nostra giuventù
che cul cas trovu l'è frut ad gran lavù;
as duvrijsa realisà na canva dla memoria
se auomma custudi di noster veg la gloria
peichè l'è amma purtanda rispet aj'antenà
che j'arman na speransa ad na bonna smens da
[tramandà.

FIO',

se ben a somma avstì cun casemir e seida
e cun la macanicca semp an tir e reida,
du noster pais as visomma cun rispet
e as truvomma ch'insimma nent per fav dispet
ma per dimustrà tit u noster amur
per cul c'as somma trovà grassie ai voster sidur;
an s'ista piasa a piomma allura in impegn
e icc papè chi siju in tenament da custudi an segn!

*Piej l'andeira cun in toc ad cui malegn
sidnò am tucarrà dà-daman ist legn!!!*



CAP.5

"PRUSPETIVI FRA CRIVELA E SPERANSI "

VEG,

dop al prumissi d'ist brav fanciot
am ven quasi voja ad sfà ist fagot,
ajava poua c'am mandeisi a l'uspissi
ma avghinda ad pudì rinvià is suplissi
l'è mej seicà ad festegià ista giornà
a mandanda al striji a fas titti anfurmà;
i disu c'am salvarrà la cuntingensa
ma primma che al tlari am'abiu ampi la cardensa
urdinarò na senna cun aimenu des pitansi
e per i maquè a trarrò vija piluli e balansi,
se pò la presion am farà silà agl'aureggi
cun cul sirot a sciancarrò tit al caveggi.

FIJA,

al noster pruspetivi i son listes nebulusi
se ben per ogni lavù a somma nent schinfiusi
e vist ch'jè stac pruibì la publicità per i lasativ
andromma a fà di clisteri tant da pudì sustniv;
ma andei dus a prugramà dal cavaglioli
per gavav l'arissu ai vā in tumberè d'oli,
amli sburs per in cavà da tir
l'è cmè prenutas in turet da ritir,
an s'cul bric ai finis malavi e vanitus
certa sogn i son tranel trop periculus.

FIO'

anchesì per nui aj'è periccul ad quarantena
carià o girà cun dal pulastri l'è in prublema,
cun issa influenza asiatica clà culpi la pulaja
an gir j'è amprimma di cardanson o grama ramaja;
at pori nanc pi sluntanat o andà a travers
che cul satellite at futografa sa tè ben au l'invers
acsi arivanda a cà at truvarrà nent na racumandaja
ma tò mari cun na pertia mal armundaja

at mitarrà allura dū bel redni e in cularin
per fa u sciavandè e cmandà cmè in svigiarin.

GIUVNOT,

as pò nanc pi mangià tranquil na cutletta
e per cul vacchi inglesi anchesì la maschetta;
stuf d'icc pastis, agricultur, bergamin e impresari
a forse d'eisi bersaglià e piasli an-tu tafanari,
aj'an decis per nent duvi sarà buteja
che as duvisa sciuperà e scrulà quaica careja,
acsi ai Minister c'at mons cun la finansiaria
la duvi sgancià e cicià an pò ad dusa-maira.

*Sunadur, se aj'ei nent la malaria
sfughev, ma fei nent sautà tut an t'l'aria!!*



CAP. 6

" A DANDA IN'UGIADA AN SLA STÔRA DLA MEMORIA "

VEG,

a j'avreisa mai cardì e scumeti in dubion
che, se ben ansian, am tucava certi decision,
ma se ben st'invern a mà amprinà ater cavij
j'angranagi i son schlent e per nent ansupij
abvomma in bel bicer ad vin brulè buient
c'av tors e v'anvisca cmè in seipent
acsi ansema a ripasomma u libber dla storia
a tucanda cert afari armas impres an memoria.
Av visev,

- ad cul masnà finiji a l'uspidal beglia ansansaji
a forsa ad zuà cun is machinetti turlupinaji?
- ad cul teremot clà culpi la tera du Rè di pover
cun ancora dia gent cia specia, se ben dl'lamera, in ricover?
- per l'iva ai 20% an s'na butiglietta ad vin
acsi, ogni sing bicer, jin lè per u Stat sidià e mai pin?
- ad l'asalt ai campanin ad Venessia cun cul "tanketo"
cun la speransa snijaja ad taià l'Italia ant quaich toketo?
- ad la storia dla rutamasion per machini, mubilia e tratur
acsi quaica siura l'ha giuntà an sai cuntrat ai mari pin ad dular?
- anchesi per cui feruviè machinista sdernà dai calendari
cun 36 uri au di e 10 milion ai meis fra stipendi e straordinari?

A m'avu fac fa na figura d'asident
a purtà la "cicciolina" an Parlament,
ades, a Rumma ajan arestà la "ercolina" an trasferta
na vacca senza targa e cuipi per fas lacià a tètta scuerta;
cun gis e agliam ajan cuncimà pulisiot e rutaji
acsi ai quater canton randlà i son vulaji
ma per spianà ticc cui pastis cumbinà allura e ades
per ater imposti avromma al bueli semp pì ad travers;
e vist anchesi la tasa an sai burdè chi fan j'aeruplan
chi cu ciaparrà u dasi se at capita ad surà andanda anan?

FIJA,

per fam creddi che andromma an Europa ticc cuntent
cul Minister a mà turna scutà al ciapi cmè tenament,
j'ansistu a fam creddi che a restaromma miraculà
ma cun ancora al crusti ad primma as truvarromma semp steiplà;
aj'è semp n'atra manovra, i rilanciu cmè zuà a ramin
ma i soutu cmè la cirimela e i noc sold i brisu cmè suifarin
e antant an sla stora al nespuli i son semp pì rari
se am torciu cul poc gramoli fin an sai bidè ai verrà al tlari.


FIO'

cun ticc icc galèt chi saguittu a carìa an s'culla curiera
ai Presidente, la sò bicicletta alla tacarrà a la rastlera,
e a forsa ad raugnà e bati an s'anquissu
frog e poli i stan amlinda pin d'arissu;
ma ajomma nanc d'ambsojn element chi fan balà al manetti
o giustisiè avsti da zorro c'at cuntrolu cmè dal suetti
bon a seicà e manteni privilegi per eisi semp an primma fila
ficà u nas d'apartit e arvutas cun di cous cmè na mila.

GIUVNOT,

a somma stuf ad vegghe pastis e cagnari
l'è ura chi seicu d'avej idej pì ciari,
a teni ansema tit cul sicchi marinaji
l'è cmè guidà in trenu senza rutaji;
speromma chi trovu la strà dla cunision
per dal riformi giusti dla Custitusion
e ca sa sbroju a drubà l'acceleratur
sidnò andromma zi cun in strafì cmè uliatu.

**Tachej in toc senza fav amlì i sidur
a somma ticc chì per rendvi unur!!**



CAP. 7°

"SALUT E ARDÌ"

VEG,

as duvrijsa purtà pitost dl'alegrija
ma at fà nanc temp cla sija ambastija
c'at fan sghijà ansimma a cert discurs
cl'è cmè finì an-bras a n'urs;
at ven ben voja ad rompi dal narisi
pò, a pensanda che ajomma zà dal sbeculi grisi
am cunven a dai trei gir a la macanica
sidnò a quaidin ai sciancomma baibis e pricca.

FIJA,

a sij nent abituà al ramarinni a presion
per certa quere l'è pes che dumà in lion,
al penitensi as portu an gir cun aj basu
sidnò certa sfog as veggu pì che u rusasu;
me car òm tniv reid senza trop sbanatà
av resta nent tancc ani da sgarnatà
andei anan cun pan-gratà e camamilla
afanev nent, la salut uardei ad ben custudilla.

FIO'

ist palchet a-là dal tradision da rispetà
se ben ai n'avu di scagn ad robì da cantà,
senza seicà ad fursà bitti o saradiri
a jomma mantni l'impegn senza pià tanti miri;
i discurs ricamà cun u noster dialèt
per Carvà ambogna dumai cun u zuèt,
ajomma laurà per ai Pais e per la Sucieta
a ringrasiomma ticc vui cun tanta sincerità.



VEG,

per nui l'è nent stacc in sacrificissi
cmè finalita l'era ad purtà ater benefissi
nent per nà moda ma per dimustrà rispet
a tancc nocer veg che a m'an lasà ist precet
peichej la "businà" cantaja an s'ista piasa
cu sija in duver d'in Pais ad bonna rasa;
cun i nocer maquè a uardaromma ad truvass an
ad festegià la tradision dai Carvà cu sija mai bu

CIAU A TICC
SALUT E AUGURI!!!

*Avij nent paura c'av vena dl'arsu
fej na sunada e cantej per stà bel
siura!!!!*

**Domenica 22 Febbraio 1998
ore 14.00 - Piazza Astori**

PROGRAMMA

GIOCHI

**Rottura
della
Pentolaccia**

**DANZE
folkloristiche**

BUSINA'

ALBERO della CUCCAGNA

IN BRULE' E DOLCI PER TUTTI!

...e un simpatico REGALO
ai primi 100 bambini in maschera!

*In caso di maltempo la manifestazione
verrà rinviata a DOMENICA 1 MARZO*